

METALURŠKI INSTITUT „KEMAL KAPETANOVIĆ“

Pola vijeka naučno-istraživačkog rada

Metalurški institut „Kemal Kapetanović“ u Zenici prošle sedmice je prigodnom svečanošću u čitaonici instituta obilježio 50 godina svog postojanja i rada. Svečanost obilježavanja ovog značajnog jubileja, kao i okrugli sto posvećen njegovom značaju i ulozi u razvoju obrazovnog i privrednog sistema u BiH, okupio je brojne predstavnike političkog, javnog i kulturnog života općine i kantona, te stručnjake iz naučnog i privrednog života cijelog regiona.

- Metalurški institut Kemal Kapetanović predstavlja ozbiljnu vezu između privrede i nauke, bez koje nema prosperiteta - kazao je u pozdravnom obraćanju u ime Vlade ZDK **mr. sc. Raif Seferović**, ministar za prostorno uređenje, promet i komunikacije i zaštitu okoliša ZDK, poručivši da će Kanton i u budućnosti pružati



Svečanosti prisustvovali brojni eminentni naučnici regiona

maksimalnu podršku. - Zenica se dugo prepoznaje po Institutu, koji je mjera napretka, praćenja modernih naučnih dostignuća, sprega teorije i prakse u proizvodnji čelika, kojom se ovaj grad bavi - istakao je **Nebojša Nikolić**, predsjedavajući Općinskog vijeća Zenica.

O ulozi metalurgije u prosperitetu čovječanstva govorio je akademik **prof. dr. Ilija Mamuzić**, predsjednik Hrvatskog društva metalurga, naglasivši da

su njene perspektive i dalje ogromne.

- Pola vijeka rada veliki je jubilej, a značajnije je što smo uz bitne napore uspjeli održati instituciju, koja je postala brend za Zenicu, kanton, pa i cijelu državu - istakla je **prof.dr. Mirsada Oruč**, direktorica Instituta.

Povodom ovog vrijednog jubileja u krugu Metalurškog instituta predstavljena je skulptura, autora **Abdulaha Frndića**, koja simbolizuje djelatnost Instituta. **E.B.**

ZDK Zenički Metalurški institut obilježava 50. godišnjicu

Oruč: Naše će vrijeme uskoro ponovo doći


Najveći broj zaposlenih, 370, imali su 1987. godine • Danas imaju 110 zaposlenih, od čega je njih 43 visokostručno

Metalurški institut „Kemal Kapetanović“, koji od 2007. godine djeluje u sklopu Univerziteta u Zenici, ove godine slavi 50 godina postojanja, a tim povodom je, u prisustvu brojnih prijatelja i saradnika iz skoro svih zemalja nastalih raspadom Jugoslavije, održana centralna proslava.

Industrijska primjena

Od prije nekoliko dana krug ove ustanove krase i skulptura koju je za ovu priliku kreirao i izlio dugogodišnji zaposlenik Instituta Abdulah Frndić.

- Pedeset godina postojanja i rada jedne ustanove kao što je Metalurški institut „Kemal Kapetanović“, čija je osnovna djelatnost istraživanje i njihova primje-



Skulptura Abdulaha Frndića

na u industriji i tehnici uopšte, veliki je vremenski period. Pogotovo ako se uzme u obzir da je taj period okarakterisan značajnim historijskim događajima, ratom, ekonomskim i političkim krizama - kazal je direktorica Instituta prof. dr. Mirsada Oruč.

Sistem kvaliteta

Ona je, ujedno i prva žena na čelu Instituta, koji je zbog pomenutih događaja pretrpio veliko osipanje stručnih kadrova, ali i, ipak,



Oruč: Velik vremenski period

preživio. Institut je, naime, kroz historiju, najveći broj zaposlenih 1987. godine, 370. Danas imaju 110 zaposlenih, od čega su 43 visokostručna, jedan doktor tehničkih nauka, šest doktora, osam magistara i četiri magistrata.

- Sistem kvaliteta se stalno dorađuje, unapređuje ali je i osnova za priznavanje re-



Sa obilježavanja 50. godišnjice Instituta

(Foto: J. Hadžić)

Nagrađeni povodom velikog jubileja

Povelje za zasluge u utemeljenju i razvoju Instituta dobile su „Željezara“ d.o.o. Zenica i Akademija nauka i umjetnosti BiH, te, obojica posthumno, akademik prof. dr. sc. Kemal Kapetanović i prof. dr. Mustafa Čaušević.

Plaketu za doprinos razvoju i afirmaciji dobili su: prof. dr. sc. Mirsada

Oruč, prof. dr. sc. Sreto Tomašević, mr.sc. Seid Kapetanović i, posthumno, prof. dr. sc. Mihael Horagas i prof. dr. sc. Nikola Barjamović. Zahvalnice za podršku u formiranju i razvoju Instituta, svi posthumno, Hasan Brkić, dr. sc. Ciril Rekar, Stanko Tomić i Muzafer Spuzić, te još 17 institucija.

zultata koje naš institut daje i koji su prepoznatljivi. Naše će vrijeme, uz malu pomoć,

ponovo doći. Vjerujemo uskoro - kazala je Oruč.

V. BEGUNIC

Metalurški institut „Kemal Kapetanović“ Zenica Proslavljaju **50.** rođendan

Metalurški institut „Kemal Kapetanović“, koji djeluje u sklopu Univerziteta u Zenici, proslavlja 50. rođendan. Tim povodom, jučer je održan naučno-stručni skup posvećen prvenstveno promoviranju i unapređenju naučne misli u BiH, a kada je Institut u pitanju, onda se ta misao precizno odnosi na oblast metalurgije.

Riječ je o jednoj od najuglednijih naučno-istraživačkih institucija u bivšoj zemlji, a njegov rast, pored tada najveće željezare na Balkanu, ispreplitao je nauku s praksom.

„U različitim vremenskim uslovima, u različitim organizaciono-strukturnim situacijama, Institut prvo kao „Hasan Brkić“, a kasnije kao „Kemal Kapetanović“, bio je naslonjen ili u sklopu RMK kombinata, odnosno Željezare Zenica. Rješenje o udruživanju Instituta sa Univerzitetom je pun pogodak. Institut je članica UNZE koja ima najviše vlastitog prihoda, oko milion maraka godišnje“, kazao je rektor Univerziteta u Zenici Sabahudin Ekinović.

Zanimljivo je da je Metalurški Institut, kao zasebna služba Željezare Zenica, formiran



Učesnici naučnog skupa

Foto: M. TUNOVIĆ

31. jula 1961, da bi iste godine Radnički savjet Željezare odlučio da se formira Institut za metalurško istraživanje kao samostalna ustanova. Institut se više puta mijenjao, prateći zahtjeve i potrebe istraživačkih oblasti. Danas ima deset zavoda, dvije službe i jedan centar. Trenutno, ova ustanova ima 110 zaposlenih, od kojih je gotovo polovina visokoobrazovanih kadrova, s jednim doktorom tehničkih nauka, šest doktoranata, osam magistara i četiri magistranta.

M. DAJIĆ

Oslobođenje

Pedesetogodišnjica Metalurškog instituta



Metalurški institut „Kemal Kapetanović“ koji djeluje u sklopu Univerziteta u Zenici proslavio je svoj pedeseti rođendan. Tim povodom je održan naučno-stručni skup posvećen prvenstveno promoviranju i unaprjeđenju naučne misli u BiH, a kada je Institut u pitanju, što se precizno odnosi na oblast metalurgije. Podsjećanja radi, formiran prije pola vijeka Metalurški institut „Kemal Kapetanović“ Zenica je postao jedna od najuglednijih naučno-istraživačkih

institucija u bivšoj zemlji, a njegov rast pored tada najveće željezare na Balkanu ispreplitao je nauku sa praksom i obrnuto. Cjelokupan program proslave pedesetogodišnjice je kroz prezentaciju naučnih radova bio usmjeren, na unaprjeđenje metalurške znanosti. Organizovan je i okrugli sto o značaju i ulozi Metalurškog instituta Kemal Kapetanović u razvoju obrazovnog i privrednog sistema BiH na kojem je prezentirano ukupno osam naučnih radova.